



Index Librorvm Prohibitorvm Alexandri VII

Alexander

Romae, 1667

II. Sanctæ Inquisitionis.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

INDICES
Librorum
PROHIBITORUM
E. V.
24.

Missali ad verbum describuntur, plenius continetur. Quæ omnia tam accuratè, & prudenter constituta, satis tamen non fuerunt ad quorundam Impressorum, præsertim in Civitate Venetiarum, intolerabilem audaciam frænandam: nam manu in missam planè alienam per summam temeritatem immitentes, in *Missali Romano* ab eis impresso ab anno 1596. exclusivè & publicè edito, multa pro suo arbitrio addiderunt, detraxerunt & immutarunt, in grave piorum scandalum & Apostolicæ Sedis offensionem, quia etiam & in suorum Principum iniuriam à quibus Privilegia obviaverunt non ut quævis *Missalia* prout eis collibuisse impressa divenderent, sed illa tantum, quæ *Missale* à Pio V. ex decreto Concil. Trid. editum penitus, ut dictum est, referrent, atque omni ex parte cum eo concordarent. Hanc igitur Impressorum tantam & tam temerariam audaciam graviter, ut par erat, ferens idem Sanctiss. D.N. ne ea impunita remaneret, & ut gravioribus malis & detrimentis aditus præcluderetur: Nobis viræ vocis oraculo mandavit, ut quanto citius super his de opportuno remedio provideremus. Quare inter nos matura deliberatione præhabita, tenore præsentium declaramus, Impressores omnes, qui *Missale Romanum* ex Decreto Concil. Trid. restitutum, & auctoritate fel. record. Pij V. editum, quomodolibet alterare ausi sunt, & præsertim Venetijs, in omnes & singulas censuras & pœnas in eadem Bulla Pij V. contentas incidisse. Decernentes præterea, omnia & singula eiusdem *Missalis* exemplaria sic alterata, præsertim Venetijs apud Iuntas, Sessas, Miscrinum, & ad signum Syrenæ, & Europæ, & quoscunque alios ab anno 1596. ut dictum est, usque in præsentem diem, omnino prohibita esse, neque à quovis Impressore, Bibliopola vel Mercatore publicè aut privatim vendi aut venalia proponi, vel sub quocunque titulo distrahi & transmitti posse, donec aliter per Sedem Apostolicam fuerit ordinatum. Ad quæ inviolabiliter observanda Episcopi, seu locorum Ordinarii, & Inquisitores, sub censuris & pœnis in Bulla Pij V. contentis, alijsque eorum arbitrio imponendis, astringant prædictos Impressores, Bibliopolas & Mercatores. Quoniam verò eorumdem *Missalium* quamplurima Exemplaria distracta sunt per diversas Christiani Orbis Ecclesias; hortamur in Domino omnes Patriarchas, Archiepiscopos, Episcopos, locorum Ordinarios, Inquisitores, & Regularium superiores Prælatos, aut quarumcunque Ecclesiarum tam sæcularium quàm regularium administratores, quacunque dignitate Ecclesiastica, seu gradu vel præ eminentia fulgentes, ut à præsentium notitia in locis suæ Iurisdictioni subiectis, quanto citius omnia & singula huiusmodi *Missalium* Exemplaria iam divendita sedulo emendari curent, ad præscriptum Exemplaris sub Pio Quinto primò editi, aut ad eius normam incorruptè, atque exactè impressi; Quibuscunque in contrarium non obstantibus. In quorum fidem has præsentis nostras litteras per Secretarium nostrum fieri fecimus & approbavimus, & in consuetis locis Almar Vrbis publicari mandavimus, earumque transumptis impressis manu alicuius Notarii publici subscriptis, & sigillo alicuius personæ in dignitate Ecclesiastica constitutæ obligatis, eandem prorsus adhiberi fidem volumus, quæ præsentibus adhiberetur, si forent exhibitæ, vel ostensæ. Dat. Romæ in Palatio Apostolico, in loco nostre Congregationis Indicis, die 1. Februarij 1601. Pont. Sanctiss. Domini N. Clementis Papa VIII. Anno Decimo.

De mandato Illustrissimorum, & Reverendissimorum Dominorum Cardinalium Congregat. Indicis Deputatorum.

Fr. Paulus Picus Ord. Præd. eiusdem Congreg. Secretarius.

I I.

SANCTÆ INQUISITIONIS.

QUONIAM multi hoc tempore, privati etiam homines, prætextu alendæ devotionis, novas quotidie Litanias evulgant, ut jam prope innumerabiles formæ Litaniarum circumferantur, & in nonnullis ineptæ sententiæ, in alijs (quod gravius est) periculosæ, & errorem sapientes inveniantur; Sanctiss. D. N. Clemens Papa VIII. pro sollicitu-

solicitudine sua pastorali providere volens, ut animarum devotio, Deique, ac Sanctorum invocatio, sine ullius detrimenti spiritualis periculo foveatur: præcipit, & mandat, ut retentis antiquissimis, & communibus Litanij, quæ in Brevarijs, Missalibus Pontificalibus, ac Ritualibus continentur; necnon Litanij de Beata Virgine, quæ in Sacra Aede Lauretana decantari solent; quicumque alias Litanias edere, vel jam editis, in Ecclesijs, sive Oratorijs, sive Processionibus, uti voluerint, eas ad Congregationem Sacrorum Rituum recognoscendas, & si opus fuerit corrigendas, mittere teneantur, neque sine licentia, & approbatione prædictæ Congregationis, eas in publicum edere, aut publicè recitare præsumant, sub pœnis (*ultra peccatum*) arbitrio Ordinarij, & Inquisitoris severè infligendis.

Præsens Decretum factum fuit in generali Congregatione Sanctæ Romanæ, & universalis Inquisitionis, habita in Palatio Apostolico in Monte Quirinali, coram prædicto Sanctiss. Domino Nostro, ac Illustriss. & Reverendiss. Dominis Sanctæ Romanæ Ecclesiæ Cardinalibus adversus hæreticam pravitatem generalibus Inquisitoribus, octavo Idus Septembris, Anno à Nativitate Domini nostri Iesu Christi. MDCI.

Quintilianus Adrianus Not.

III.

BVLLA CLEMENTIS PAPÆ VIII.

Prohibitio Operum CAROLI MOLINÆI.

CLEMENS Papa VIII, ad perpetuam rei memoriam.

APOSTOLICÆ Sedis auctoritati maximè convenit, & ad nostrum pertinet officium, accuratè prospicere, ne impiorum hominum libris, ac monumentis, fidei mentes seducantur, aut quovis modo à via veritatis avocentur. Nos itaque considerantes, damnatæ memoriæ Caroli Molinæi Scripta & Commentaria, doctrinam perniciosam & Catholicæ fidei contrariam continere, & ideo huius impij, & hæretici hominis in prima classe descripti, Opera omnia in Indice Librorum Prohibitorum, tam per nostros prædecessores Romanos Pontifices, quàm etiam per nos nupera edito, expressè ac nominatim sub censuris & pœnis in eo contentis prohibita, & interdicta fuisse: & attendentes etiam, sicut ad audientiam nostram pervenit, quamquam eorundem Operum lectio, & retentio ab univèrsis Christi fidelibus maximè vitanda sit, nihilominus a pluribus, & iis præsertim qui utriusque Iuris scientiam proficiunt, contra huiusmodi prohibitionem, dicti Caroli Scripta & Commentaria, sub varijs prætextibus sive illa examinandi, & expurgandi, sive corrigendi & emendandi, ut dicunt, sive etiam ut illis vrantur in Iudiciis & Decisionibus causarum & alijs eorum descriptionibus, frequenter legi & retineri maximo cum eorundem & aliorum animarum periculo, & sub his prætextibus varias licentias etiam à nonnullis Episcopis, & alijs locorum Ordinariis, & ab Inquisitoribus temerè, ac de facto, & etiam quandoque ab hac sancta Sede, & à Venerabilibus Fratribus nostris, S. R. E. Cardinalibus super Indice Librorum Prohibitorum deputatis, sive etiam interdum à Generalibus Inquisitoribus sub præcepto ut non nisi expurgatis & cunctis erroribus deletis ut possint, diversimodè ab eisdem extortas aut impetratas fuisse. Propterea pro nostra Pastoralis sollicitudine, cunctorum Christi Fidelium animarum securitati & saluti, quantum cum Domino possumus consulere, & ne ipsi Christi Fideles mali hominis prava doctrina & impietate fallantur aut inficiantur, oportune providere volentes pro potiori cautela; Motu proprio & ex certa scientia ac matura deliberatione nostris, hac nostra perpetuò valitura Constitutione, omnia, & quæcunque prædicti Caroli Molinæi Hæretici scripta, Opera & Commentaria, Beatorum Apostolorum Petri, & Pauli, ac nostra auctoritate de nouo perpetuò damnamus, reprobamus, interdicimus, & anathematizamus, eorumque lectionem & retentionem univèrsis & singulis Christi Fidelibus

cuiuscun-